

Centar za muzičku edukaciju u saradnji s Odsjekom za duvačke instrumente i harmoniku, Smjer harmonika, najavljuje realizaciju predavanja / radionice: *Dizajn i konstrukcija savremene profesionalne harmonike. Osnove popravke i štimanja*. Predavač / voditelj radionice je VIKTOR MELNYK.



Viktor Melnyk rođen je u Ukrajini 1963. godine. Diplomirao je na Nacionalnoj muzičkoj akademiji "P. I. Čajkovski" u Kijevu, harmonika dugmetara (bayan), u klasi profesora Dmitry Alexeyeva. Već tijekom studija na Akademiji marljivo se usavršavao u popravci i ugađanju harmonika, u tvornici muzike u Žitomiru (Ukrajina). Nakon završetka akademije, do 1996. godine radio je na Odjelu za narodne instrumente na istoj akademiji. Melnykovo majstorstvo dobro je poznato u zemlji i inostranstvu. Istaknuti bayanski izvođači iz Njemačke, Austrije, Francuske, Danske, Rusije, kao što su profesori E. Moser, A. Melichar, M. Bonney, J. Crabb, G. Draugsvoll, V. Semyonov, Melnyku su povjerili popravku njihove lične harmonike. Koristeći stečeno iskustvo, duboko profesionalno znanje i visoke kvalifikacija, Viktor Melnyk je napravio novi bayan s naprednim zvučnim i tehničkim mogućnostima. Melnyk često održava predavanja i seminare na Muzičkim akademijama u Evropi: Danska (Kraljevski konzervatorij u Kopenhagenu), Austrija (Bruckner privatno sveučilište u Linzu), Njemačka (Muzikhohshule u Hanoveru). Kao savjetnika, angažirali su ga svjetski poznati proizvođači, Hohner (Njemačka), Pignini (Italija) i Jupiter (Rusija). Nastupa kao solista, sa suprugom u duetu harmonika *Melnyk* i kao član kvarteta harmonika *Consonance*. Kao dvojac *Melnyk* osvojili su nekoliko međunarodnih nagrada na takmičenjima harmonikaša, te ostvarili mnogo nastupa na međunarodnim festivalima i koncertima.

Predavanje / radionica će se održati 12. 02. 2020. godine, od 15:00h, na Muzičkoj akademiji Univerziteta u Sarajevu. Kotizacija za učesnike/ce iznosi 20,00 KM. Uplatu je potrebno izvršiti do 10. 02. 2020. godine.

Za dodatne informacije o uplati molimo da se obratite na mail adresu šefice Centra za muzičku edukaciju: [nerma.hodzic-mulabegovic@mas.unsa.ba](mailto:nerma.hodzic-mulabegovic@mas.unsa.ba)